

Landsnet
Árni Jón Elíasson
Krókhálsi 5 C
110 Reykjavík

2006050080
8614; 8613; 9310

Reykjavík, 30. júní 2006
/--

Efni: Lagning 66 kV jarðstrengs milli Hellu og Hvolsvallar, Rangárþingi eystra og Rangárþingi ytra. Ákvörðun um matskyldu.

Vísað er til erindis Landsnets dags. 22. maí 2006 þar sem Skipulagsstofnun er tilkynnt fyrirhuguð lagning 66 kV jarðstrengs milli Hellu og Hvolsvallar í Rangárþingi eystra og Rangárþingi ytra samkvæmt 6. gr. laga um mat á umhverfisáhrifum nr. 106/2000 m.s.b. og lið 3b í 2. viðauka laganna.

Skipulagsstofnun leitaði álits Rangárþings eystra, Rangárþings ytra, Fornleifaverndar ríkisins, Landbúnaðarstofnunar, RARIK, Umhverfisstofnunar og Vegagerðarinnar.

Umsagnir bárust frá Rangárþingi eystra með tölvupósti dags. 28. júní 2006, Rangárþingi ytra með bréfi dags. 24. maí 2006, Fornleifavernd ríkisins með bréfi dags. 8. júní 2006, Landbúnaðarstofnun með bréfi dags. 26. maí 2006, RARIK með bréfi dags. 8. júní 2006, Umhverfisstofnun með bréfi dags. 2. júní 2006 og Vegagerðinni með bréfi dags. 8. júní 2006. Frekari upplýsingar bárust frá Landsneti með tölvupósti dags. 13. júní 2006 og 30. júní 2006.

FRAMLÖGÐ GÖGN FRAMKVÆMDARAÐILA

Fyrirhuguð framkvæmd. Í framlögðum gögnum framkvæmdaraðila kemur fram að fyrirhuguð sé lagning um 13 km langs 66 kV jarðstrengs og ljósleiðara milli Hellu og Hvolsvallar. Gert sé ráð fyrir að strengirnir verði grafnir í jörðu að mestu leyti innan veghelgunarsvæðis Hringvegur 1 og lagðir annað hvort undir árfarvegi Rangár eystri og ytri eða í brýr á Þjóðvegi 1. Fram kemur að á um 1,5 km kafla á báðum endum verði að auki lagður 11 kV jarðstrengur í eigu RARIK. Gert sé ráð fyrir að uppmokstur sem til falli við skurðgröftinn verði notaður til fyllingar í skurðinn að loknum frágangi lagna.

Fram kemur í gögnum framkvæmdaraðila að fyrirhugað framkvæmdasvæði sé fremur einsleitt, jarðvegur sendinn og víða hálfgróinn grasi og það land sem algróið sé hafi verið grætt upp af

Vegagerðinni. Framkvæmdaraðili telji ekki þörf á sérstakri slóðagerð vegna framkvæmdarinnar og að auðvelt verði að ganga frá yfirborði landsins eftir framkvæmdirnar.

Í framlögðum gögnum framkvæmdaraðila kemur fram að fyrirhugað sé að fjarlægja núverandi 66 kV loftlínu sem liggur milli Hellu og Hvolsvallar innan tveggja ára og hafi framkvæmdaraðili kynnt fyrirhuguð áform fyrir öllum landeigendum, RARIK, Vegagerðinni, Hitaveitu Rangæinga og skipulagsyfyrvöldum viðkomandi sveitarfélaga.

ÁLIT UMSAGNARAÐILA OG VIÐBRÖGÐ FRAMKVÆMDARAÐILA

Almennt. Fram kemur í umsögnum Rangárþings eystra, Rangárþings ytra, Fornleifaverndar ríkisins, Landbúnaðarstofnunar, RARIK, Umhverfisstofnunar og Vegagerðarinnar að ekki sé líklegt að fyrirhuguð framkvæmd muni hafa umtalsverð umhverfisáhrif í för með sér og sé því ekki háð mati á umhverfisáhrifum.

Áhrif á ásýnd lands. Umhverfisstofnun bendir á að strengurinn muni liggja að mestu leyti innan veghelgunarsvæðis Hringvegur 1, sem þegar hafi verið umbylt vegna vegaf framkvæmda og grætt upp af Vegagerðinni. Umrætt svæði sé ekki á náttúruminjasrá og ekki sé gert ráð fyrir röskun á jarðmyndunum eða vistkerfum sem njóta sérstakrar verndar sbr. 37. gr. laga nr. 44/1999 um náttúruvernd.

Í umsögn RARIK kemur fram að fyrirhugaður jarðstrengur muni koma í stað 66 kV loftlínu frá 1948. Með lagningu hans muni sjónræn áhrif vegna línunnar hverfa og afhendingaröryggi raforku aukast.

Áhrif á fornleifar. Fornleifavernd ríkisins bendir á að engar skráða fornleifar séu á fyrirhuguðu framkvæmdasvæði og talið mjög litlar líkur á að fornleifar sé að finna á umræddu svæði meðfram Hringvegi 1 milli Hellu og Hvolsvallar.

Áhrif á lífríki. Landbúnaðarstofnun bendir á að verði hróflað við farvegi Ytri eða Eystri Rangár vegna fyrirhugaðrar framkvæmdar skuli framkvæmdaraðili hafa samráð við veiðimálastjórn hjá Landbúnaðarstofnun.

NIÐURSTAÐA SKIPULAGSSTOFNUNAR

Um er að ræða lagningu 13 km langs 66 kV jarðstrengs og ljósleiðara milli Hellu og Hvolsvallar, Rangárþingi eystra og Rangárþingi ytra. Framkvæmdin er tilkynningarskyld til ákvörðunar um matsskyldu samkvæmt 6. gr. og lið 3b í 2. viðauka í lögum um mat á umhverfisáhrifum nr. 106/2000 m.s.b.

Skipulagsstofnun telur að koma megi í veg fyrir neikvæð áhrif framkvæmdarinnar með vönduðum vinnubrögðum og frágangi og telur að umhverfisáhrif fyrirhugaðrar framkvæmdar verði ekki

veruleg verði þeirri framkvæmdatilhögun sem framkvæmdaraðili leggur til fylgt. Skipulagsstofnun tekur undir með Landbúnaðarstofnun og bendir á að ef hrófla þarf við Eystri eða Ytri Rangá vegna framkvæmdarinnar, skuli framkvæmdaraðili vera í samráði við veiðimálastjórn Landbúnaðarstofnunarinnar.

Í samræmi við 6. gr. laga um mat á umhverfisáhrifum nr. 106/2000 m.s.b. hefur Skipulagsstofnun farið yfir þau gögn sem lögð voru fram af hálfu Landsnets við tilkynningu, umsagnir og viðbrögð Landsnets vegna þeirra. Á grundvelli þessara gagna er það niðurstaða Skipulagsstofnunar að lagning 66 kV jarðstrengs milli Hellu og Hvolsvallar, Rangárþingi eystra og Rangárþingi ytra sé ekki líkleg til að hafa í för með sér umtalsverð umhverfisáhrif og skuli því ekki háð mati á umhverfisáhrifum.

Skipulagsstofnun vekur athygli á að framkvæmdin er háð framkvæmdaleyfi Rangárþings eystra og Rangárþings ytra skv. 27. gr. skipulags- og byggingarlaga nr. 73/1997 m.s.b. Einnig bendir Skipulagsstofnun á að framkvæmdin þarf að vera í samræmi við Aðalskipulag Rangárþings eystra 2003-2015 og Rangárþings ytra 2002-2014 hvað varðar legu stofnveitna.

Samkvæmt 14. gr. laga nr. 106/2000 m.s.b. má kæra ákvörðun Skipulagsstofnunar til umhverfisráðherra. Kærufrestur er til 31. júlí 2006.

Hólmfríður Sigurðardóttir

Auður Ýr Sveinsdóttir

Afrit. Umhverfisráðuneytið, Rangárþing eystra, Rangárþing ytra, Fornleifavernd ríkisins, Landbúnaðarstofnun, RARIK, Umhverfisstofnun og Vegagerðin